

† Anno Ab Incarnatione domini nostri Iesu. christi. Millesimo. Trecentesimo. quarto. Regnante domino nostro Karolo secundo *etc.* Regnorum eius anno Mense. february die primo eiusdem. Secunde. Indictionis aput Trantum. Nos Taddeus et Iohannes de fontana Trani Regales Iudices. Marinus puplicus eiusdem Terre Notarius. et subscripti testes de eadem terra *etc.* testamur, quod dum inter Reverendum in christo patrem, et dominum. O-[donem] dei gratia Tranensem Archiepiscopum, et Capitulum dicte Maioris Tranensis Ecclesie, nomine et pro parte eiusdem ecclesie ex parte una. et Abbatem Iohannem de roma Archipresbiterum Ecclesie Sancte Marie de Barolo, et Capitulum dicte Ecclesie, ex alia. Lix. questio. seu controversia, orta esset. super eo videlicet quod dictus dominus Archiepiscopus, et Capitulum dicte tamen Ecclesie, petebat, et petere intendebat, a domino Archipresbitero et Capitulo dicte maioris barolitane ecclesie, et a dicta Ecclesia. quartam partem mortuorum, quam ad se, nomine, et pro parte ipsius tranensis ecclesie, Iure Episcopali pertinere dicebat, ad quam solvendam Idem Archipresbiter, et capitulum dicte Barolensis ecclesie, se prorsus afferebant exemptos, et aliquatenus non teneri. nec eundem Archiepiscopum seu precedessores suos, ab eodem Archipresbitero seu predecessoribus suis aliquo tempore de dicta quarta parte aliquid percepisse, seu questionem movisse. nec non de quarta quam fratres minores predicatorum, et heremite, de barolo solvere tenentur, et debent de relictis eorum ecclesiis. ex decedentium testamentis iuxta ordinationem bone memorie domini Bonifacii pape octavi. quam quartam partem dictus dominus Archiepiscopus, et Capitulum ratione dicte sue tranensis ecclesie sub cuius dyocesi dicta terra Baroli consistit, ad se, pertinere dicebat et sibi de Iure deberi. Et e converso dictus Archipresbiter et Capitulum, dicte maioris barolitane ecclesie, ratione dicte ecclesie, asserebat, atque dicebat, ad se de Iure spectare